

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), Vlada Zeničko-dobojskog kantona, na 66. sjednici, održanoj dana 22.07.2020. godine, d o n o s i

## ZAKLJUČAK

### I.

Utvrdjuje se Prijedlog Odluke o prihvatanju zaduženja Zeničko-dobojskog kantona u 2020. godini po Sporazumu o Dodatnom finansiranju između Bosne i Hercegovine i Međunarodne asocijacije za razvoj za realizaciju Projekta Svjetske banke „Energetska efikasnost u Bosni i Hercegovini“ za Federaciju BiH za period 2020.-2024. godina.

### II.

Prijedlog Odluke iz tačke I. ovog zaključka, upućuje se u dalju skupštinsku proceduru.

### III.

Zaključak stupa na snagu danom donošenja.

**PREMIJER**

*Mirza Ganić*

Broj: 02-\_\_\_\_\_ /20

Datum, 22.07.2020. godine

Zenica

DOSTAVLJENO:

1x Ministarstvo finansija,

1x Ministarstvo za obrazovanje, nauku, kulturu i sport,

1x Stručna služba Skupštine,

1x a/a.

## PRIJEDLOG

Na osnovu člana 37. stav 1. tačka f) Ustava Zeničko – dobojskog kantona, člana 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) i člana 38., 40. i 41. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16), Skupština Zeničko-dobojskog kantona, na svojoj \_\_\_\_\_ sjednici održanoj \_\_\_\_\_ 2020. godine, donosi

### ODLUKU

#### **O PRIHVATANJU ZADUŽENJA ZENIČKO-DOBOJSKOG KANTONA U 2020. GODINI PO SPORAZUMU O DODATNOM FINANSIRANJU IZMEĐU BOSNE I HERCEGOVINE I MEĐUNARODNE ASOCIJACIJE ZA RAZVOJ ZA REALIZACIJU PROJEKTA SVJETSKE BANKE „ENERGETSKA EFIKASNOST U BOSNI I HERCEGOVINI“ ZA FEDERACIJU BIH ZA PERIOD 2020-2024. GODINA**

#### **Član 1.**

##### **(Prihvatanje zaduženja)**

Prihvata se zaduženje Zeničko-dobojskog kantona prema Federaciji Bosne i Hercegovine (u daljem tekstu: Federacija) u 2020. godini, po osnovu Sporazuma o Dodatnom finansiranju između Bosne i Hercegovine i Međunarodne asocijacije za razvoj za realizaciju Projekta Svjetske banke „Energetska efikasnost u Bosni i Hercegovini“ za Federaciju BiH, za period 2020.-2024. godina, u ukupnom iznosu od 10.646.872,21 KM.

#### **Član 2.**

##### **(Namjena sredstava Zajma)**

Sredstva Zajma iz člana 1. ove odluke namjenjena su za finansiranje unaprijeđenja energetske efikasnosti na dvadesetosam (28) javnih objekata na području Zeničko-dobojskog kantona, iz nadležnosti Ministarstvu za obrazovanje, nauku, kulturu i sport Zeničko-dobojskog kantona, kroz mjere energetske efikasnosti koje mogu uključivati sanaciju omotača zgrade, prozora, krova, unaprijeđenje sistema grijanja/hlađenja, osvjetljenja i druge mjere za unaprijeđenje energetske efikasnosti.

#### **Član 3.**

##### **(Ovlaštenje za potpisivanje podugovora)**

- (1) Sredstva Zajma iz člana 1. ove odluke, Federacija će posebnim podugovorom prenijeti na Zeničko-dobojski kanton.
- (2) Za potpisivanje posebnih podugovora o prenosu sredstava Zajma po Projektu iz člana 1. ove odluke, između Federacije i Zeničko-dobojskog kantona, kao i za potpisivanje mjenica i mjeničnih ovlaštenja, ovlašćuje se ministar Ministarstva finansija Zeničko-dobojskog kantona.

#### **Član 4.**

##### **(Uslovi zajma)**

Sredstva Zajma iz člana 1. ove odluke prihvataju se pod sljedećim uslovima:

- a) iznos zajma ..... 10.646.872,21  
KM,
- b) valuta zajma .....  
EUR,

- c) rok otplate ..... 10 godina,
- d) grace period ..... 2 godine (uključen u rok otplate),
- e) kamatna stopa ..... šestomjesečni EUROBOR + 1,25% (fiksna marža),
- f) jednokratna provizija ..... 0,25% na iznos zajma,
- g) visina provizije na neiskorištena sredstva .....0,25% godišnje,
- h) dospijeća:..... polugodišnja u jednakim otplatama,
- i) datumi plaćanja glavnice i kamata ..... 15. maj i 15. novembar svake godine.

#### **Član 5.**

##### **(Osiguranje naplate dospjelih obaveza)**

- (1) U svrhu redovne otplate Zajma, Zeničko-dobojski kanton je saglasan da Federacija, u slučaju neredovnog ispunjavanja obaveza po Zajmu, bez upozorenja može dospjele obaveze direktno naplatiti sa računa javnih prihoda, i to iz dijela prihoda koji pripadaju Zeničko-dobojskom kantonu.
- (2) Zeničko-dobojski kanton se obavezuje da će u svrhu naplate svih potraživanja po ovom Zajmu, Federaciji dostaviti bjanko mjenice, te Zeničko-dobojski kanton ovlašćuje Federaciju da primljene bjanko mjenice može koristiti za naplatu dospjelog potraživanja.

#### **Član 6.**

##### **(Osiguranje sredstava u Budžetu)**

U periodu dospijeća obaveza po Zajmu potrebno je osigurati sredstva iz Budžeta Zeničko-dobojski kanton za izmirenje dospjelih obaveza.

#### **Član 7.**

##### **(Realizacija odluke)**

- (1) Za realizaciju ove Odluke i izvještavanje zadužuje se Ministarstvo finansija Zeničko-dobojskog kantona.
- (2) Ova odluka će se dostaviti Federalnom ministru finansija/financija na dalje postupanje.

#### **Član 8.**

##### **(Stupanje na snagu)**

Ova odluka stupa na snagu narednog dana od dana objavljivanja u "Službenim novinama Zeničko-dobojskog kantona".

Broj:

**PREDSJEDAVAJUĆI**

Datum,

Z e n i c a

**Ćazim Huskić**

**DOSTAVLJENO:**

1x Stručna služba Skupštine,

1x Stručna služba Vlade,  
1x Ministarstvo finansija,  
1x Ministarstvo za obrazovanje, nauku, kulturu i sport,  
1x „Službene novine Zeničko-dobojskog kantona“,  
1x Federalno ministarstvo finansija,  
1x Federalno ministarstvo prostornog uređenja,  
1x a/a.

## **O b r a z l o ž e n j e**

### **I PRAVNI OSNOV:**

Pravni osnov za donošenje ove odluke sadržan je u članu 37. stav 1. tačka f) Ustava Zeničko – dobojskog kantona, članu 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/14, 8/15, 91/15, 102/15 i 104/16) i članu 38., 40. i 41. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16).

### **II RAZLOZI ZA DONOŠENJE**

Vlada Zeničko-dobojskog kantona je na svojoj 24. vanrednoj sjednici održanoj dana 28.05.2020. godine donijela Zaključak broj: 02-11-8235/20 od 28.05.2020. godine, kojim je data prethodna saglasnost Ministarstvu za obrazovanje, nauku, kulturu i sport Zeničko-dobojskog kantona za učestvovanje u okviru Dodatnog finansiranja za projekat „Energetska efikasnost u BiH“ za Federaciju BiH, za period 2020.-2024. godina, a koji će se finansirati iz kredita Svjetske banke.

Tačkom II navedenog Zaključka je utvrđena je lista sa dvadesetosam (28) objekata javnih ustanova iz nadležnosti Ministarstvu za obrazovanje, nauku, kulturu i sport koji su uključeni u ovoj projekat i čija je implementacija planirana u 2020. godini.

Nakon toga, Federalnog ministarstva prostornog uređenja je dostavilo svoj akt broj: 01-19-602/20 od 30.06.2020. godine – Obavijest o usvajanju liste objekata za implementaciju mjera energetske efikasnosti u period 2020.-2024. godina u okviru projekta AF BEEP, u kojem je između ostalog navedeno da je dana 26.06.2020. godine Upravni odbor projekta “Energetska efikasnost u BiH”, za Federaciju BiH usvojio listu objekata za implementaciju mjera energetske efikasnosti u periodu 2020 – 2024. godina, među kojima se nalazi i dvadesetosam (28) objekata koje je Zaključkom broj: 02-11-8235/20, Vlada Zeničko-dobojskog kantona predložila na svojoj 24. sjednici održanoj 28.05.2020. godine.

Također, u navedenom aktu je navedeno da je potrebno da Odluku o zaduženju prihvati i Skupština Kantona, a po prihvatanju iste potrebno je potpisati Supsidijarni ugovor između Vlade Kantona i Federalnog ministarstva finansija, te da ukupna procijenjena vrijednost investicije prema detaljnim energetske auditima svih predloženih objekata iznosi

ukupno 10.648.872,21 KM.

S tim u vezi, Vlada Zeničko-dobojskog kantona je na svojoj 64. sjednici održanoj dana 10.07.2020. godine donijela Zaključak broj: 02-13-11864/20 od 10.07.2020. godine, kojim se daje saglasnost na Listu objekata Zeničko-dobojskog kantona sa procjenjenim vrijednostima investicija po objektima za implementaciju mjera energetske efikasnosti u periodu 2020.-2024. godina koji se realizuje u okviru projekta AF BEEP, a prema listi objekata Zeničko-dobojskog kantona dostavljenoj od strane Federalnog ministarstva prostornog uređenja – Implementaciona jedinica “Energetska efikasnost u BiH”, u ukupnom iznosu do 10.646.872,21 KM.

U cilju realizacije navedenog Projekta u 2020. godini, bilo bi potrebno da Skupština Zeničko-dobojskog kantona donese Odluku o prihvatanju zaduženje Zeničko-dobojskog kantona prema Federaciji Bosne i Hercegovine u 2020. godini, po osnovu Sporazuma o dodatnom finansiranju između Bosne i Hercegovine i Međunarodne asocijacije za razvoj za realizaciju Projekta Svjetske banke „Energetska efikasnost u Bosni i Hercegovini“ za Federaciju BiH, u iznosu od 10.646.872,21 KM, čime bi se Zeničko-dobojski kanton zadužio po osnovu vanjskog duga, obzirom da se radi o sredstvima Svjetske banke.

Imajući u vidu navedeno, utvrđen je Prijedlog predmetne Odluke.

### **III OBRAZLOŽENJE PRAVNIH RJEŠENJA**

Članom 67. Zakona o budžetima u Federaciji BiH utvrđeno je da se kanton može zadužiti i izdati garancije u svrhe, na način, pod uvjetima i u obimu propisanom zakonom kojim se uređuje dug, zaduživanje i garancije u Federaciji.

Odluka je izrađena u formi prijedloga akta, u skladu sa članom 152. Poslovnika Skupštine Zeničko-dobojskog kantona – Treći prečišćeni tekst („Službene novine Zeničko-dobojskog kantona“, broj: 14/18, 18/18- Isp. i 7/19).

### **IV FINANSIJSKI EFEKTI**

Za realizaciju prijedloga Odluke previđena je potreba planiranje potrebnih sredstva u Budžetu Zeničko-dobojskog kantona za 2020. godinu.